

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BOSANSKA KRUPA
GRADSKI ORGAN UPRAVE



GRAD
BOSANSKA KRUPA

**S M J E R N I C E
ZA TROGODIŠNJE PLANIRANJE RADA
GRADSKOG ORGANA UPRAVE
GRADA BOSANSKA KRUPA
ZA PERIOD 2025 - 2027. GODINA**

Novembar, 2024.

SADRŽAJ

1. Uvod (svrha Smjernica)	3
2. Kratak osvrt na opšti razvojni kontekst uključujući izazove i rizike	3
3. Strateški pravci razvoja	6
4. Strateški projekti i mjere	8
6. Indikativni finansijski okvir (ovaj dio uraditi na osnovu podataka iz Akcionog plana)	10
Prilog 1:	12
Akциони plan za period 2025.-2027. godina.....	12

1. Uvod (svrha Smjernica)

Izrada Smjernica za trogodišnje planiranje rada Grada Bosanska Krupa za period 2025.-2027. godine (u daljem tekstu: Smjernice) obaveza je u skladu sa članom 10. Uredbe o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine (u daljem tekstu: FBiH) („Službene novine Federacije BiH“, broj: 74/19 i 2/21) (u daljem tekstu: Uredba).

Smjernice predstavljaju osnovu za planiranje rada Gradskog organa uprave u naredne tri godine, kako bi se na adekvatan način uključili razvojni prioriteti koji su definisani Strategijom razvoja Unsko-sanskog kantona za period 2021.-2027. godina, Okvirom za implementaciju ciljeva održivog razvoja u BiH, Programom rada Gradonačelnika i drugim relevantnim dokumentima. Obzirom da je Gradsko vijeće na sjednici održanoj 29.04.2022. usvojilo Odluku o preuzimanju Strategije razvoja Unsko-sanskog kantona, kao vodeći strateški dokument na osnovu kojeg se planira razvoj Grada Bosanska Krupa, Smjernice imaju za cilj da potenciraju preuzimanje ključnih mjera i aktivnosti definisanih Akcionim planom kantonalne strategije i aktivnosti definisanih na nivou lokalne zajednice, a koje je neophodno poduzeti u narednom planskom ciklusu obzirom na njihov strateški značaj za razvoj Grada. U tom kontekstu, Smjernice su u potpunosti usklađene sa Smjernicama za trogodišnje planiranje rada organa uprave na kantonalnom nivou.

Uredbom su propisani minimalni elementi Smjernica, a iste se izrađuju svake godine za period od tri godine (1+2) i pripremaju u skladu sa strateškim dokumentima relevantnim za Grad Bosanska Krupa. Pored toga što predstavljaju usmjerenje za budući rad organa uprave, Smjernice služe i ostalim zainteresovanim stranama (vaninstitucionalnim akterima) kao vodilja za planiranje i implementaciju konkretnih projekata i aktivnosti u narednom trogodišnjem periodu. U skladu sa Uredbom, Smjernice su pripremljene od strane Gradonačelnika u saradnji sa tijelom za poslove razvojnog planiranja i upravljanja razvojem (Službom za upravljanje razvojem).

2. Kratak osvrt na opšti razvojni kontekst uključujući izazove i rizike

Unsko-sanski kanton je prema **indeksu razvijenosti**¹ u 2022. godini rangiran kao osmi od deset kantona u Federaciji Bosne i Hercegovine sa indeksom razvijenosti od 0,38 što ga stavlja u treću grupu razvijenosti. S druge strane Grad Bosanska Krupa sa indeksom razvijenosti od 0,68 rangiran je kao 58. općina/grad od ukupno 79 općina/gradova i u odnosu na prethodnu 2021. godinu zabilježen je pad od -1. Prema procijenjenim rezultatima (prema Federalnom zavodu za programiranje) Bosanska Krupa je sredinom 2022. g. imala 24.017 stanovnika što je za 1528 stanovnika manje u odnosu na popis stanovništva iz 2013. godine. Prema broju stanovnika Bosanska Krupa se nalazi na 5. mjestu od ukupno 8 gradova/općina na području Unsko sanskog kantona, dok se prema gustini naseljenosti nalazi na 6. mjestu u USK.

¹ Podaci Federalnog zavoda za programiranje: Socioekonomski pokazatelji za 2021 i 2022 godinu

Iz ugla **demografskih kretanja**, zabrinjavajući je stalan pad broja stanovnika kako u Unsko-sanskom kantonu, tako i u Bosanskoj Krupi. U 2022.g. u Bosanskoj Krupi je zabilježeno 1.528 stanovnika manje u odnosu na 2013. godinu, odnosno 278 stanovnika manje u odnosu na 2021.g.

Također, stopa prirodnog priraštaja je u posljednjih pet godina negativna. Velik broj stanovnika se odseljava u evropske zemlje, te je s tog aspekta neophodno poduzimati adekvatne mjere poput pružanja finansijske i stambene podrške, usklađivanja porodiljstva s radnim i drugim obavezama koje bi pružile sigurnost ostanka i dobre uslove života.

Na kraju 2022. godine, vrijednost izvoza u Bosanskoj Krupi je iznosila približno 136,9 miliona KM, te je pokrivenost uvoza izvozom iznosio ohrabrujućih 143,14% što predstavlja pozitivan trend za privredu ovog Grada. Prosječna mjesečna neto plata je iznosila 988 KM i manja je za 3,23% u odnosu na prosjek USK koji iznosi 1021 KM.

Također, prosječan broj zaposlenih u Bosanskoj Krupi je u blagom porastu i iznosi 3596 tokom 2022. godine što je više za 93 zaposlene osobe u odnosu na 2021. godinu. Ovaj podatak za sobom povlači i činjenicu da je tokom 2022. godine registrovano ukupno 2916 nezaposlenih osoba, što je u odnosu na 2021. godinu manje za ukupno 270 nezaposlenih osoba.

Tokom 2022. godine ostvareni prihodi od poreza na dohodak iznosili su 156 KM po stanovniku, što Bosansku Krupu stavlja na treće mjesto u USK po naplaćenim prihodima i u skladu je sa prosjekom USK.

Obzirom da je turizam jedna od razvojnih perspektiva USK ali i Grada Bosanske Krupe, osjetan je određeni progres u ovoj oblasti što je vidljivo iz broja turističkih dolazaka koji za Unsko-sanski kanton u 2022. godinu iznose ukupno 57.544 dolazaka, od kojih u Grad Bosanska Krupa ukupno 2876 dolazaka, što je za 559 dolazaka više u odnosu na 2021. godinu. Isti progres je evidentiran i u broju noćenja turista na području Kantona (91.910) ali i u Bosanskoj Krupi u kojoj broj noćenja za 2022. godinu iznosi ukupno 4645, što je u odnosu na 2021. godinu više za 1075 noćenja (podaci Federalnog zavoda za statistiku²). Ovi podaci ukazuju na porast interesovanja i potražnje za turističkom ponudom u Bosanskoj Krupi ali i u Unsko-sanskom kantonu. Ovu oblast je potrebno u narednom periodu razvijati dodatno, posebno sa aspekta obogaćivanja turističke ponude, razvijanja turističkih destinacija i promocije istih, te uvezivanja istih sa privredom, posebno ruralnim krajevima koji obiluju prirodnim bogatstvima koja čine turističku ponudu.

Također kod ove oblasti je moguće raditi na povezivanju poljoprivredne proizvodnje sa prerađivačkom industrijom, ali i turističkom ponudom. Povećanje stepena korištenja prirodnih resursa održivim razvojem i modernizacijom kapaciteta u poljoprivredi i povezivanjem poljoprivrednih proizvođača sa tržištem će biti jedan od prioriteta razvoja USK i Grada Bosanske Krupe u narednim godinama.

² Podaci Federalnog zavoda za statistiku: https://px-web.fzs.ba/pxweb/bs-Latn-BA/Turizam%20-%20Tourism/Turizam%20-%20Tourism__Dolasci%20i%20no%20c4%87enje%20turista%20-%20Tourist%20arrivals-nights/Dolasci%20i%20noc%20turista%20po%20kanton%20i%20god%202020.px/table/tableViewLayout1/?rxid=7e91d240-74c9-4427-9011-89cc3bc680d0

Unsko-sanski kanton i Bosanska Krupa u kontinuitetu bilježi godišnji pad broja učenika u osnovnom i srednjem obrazovanju. To je posebno vidljivo u područnim školama za koje je potrebno izvršiti racionalizaciju po pitanju korištenja, bilo kroz jačanje/proširenje kapaciteta postojećih centralnih škola kojima pripadaju ili njihovu prenamjenu. Kurikularna reforma koja je u toku treba da se nastavi provoditi u skladu sa svim relevantnim EU standardima i praksama, a koju prati i proces digitalizacije sektora obrazovanja koji također zahtjeva daljnja unapređenja kako kapaciteta tako i opreme. Neusklađenost obrazovnog sistema sa tržištem rada je jedan od ključnih nedostataka razvoja Kantona i to je poseban faktor kojem se treba posvetiti posebna pažnja i detaljna analiza.

Oblast javnog zdravstva na Unsko-sanskom kantonu i Grada Bosanske Krupe zahtijeva mnoga sistemska unapređenja. Iako se bilježi kontinuirano smanjenje broja građana na jednog ljekara (1 ljekar na 715 stanovnika i 1 bolesnička postelja na 324 stanovnika na nivou USK), razlog istome nije povećan broj ljekara na kantonu, nego smanjen broj stanovnika koji borave tu. Iako se bilježe određena unapređenja u oblasti sistema integrisanih zdravstvenih usluga, povećanje broja usluga sekundarnog i tercijarnog nivoa je prezasićeno i zahtijeva adekvatne promjene. Unapređenje kapaciteta i nabavka opreme su prioriteti svih zdravstvenih ustanova uz pružanje podrške uspostavljanju i razvoju visokodiferenciranih usluga i terapijskih zahvata koji će dovesti do bržeg i lakšeg pristupa zdravstvenim uslugama svim pacijentima. Nepostojanje terenske službe hitne medicinske pomoći, neadekvatna opremljenost stacionirane službe hitne medicinske pomoći, kao i nedostatak stručnog kadra, Grad Bosansku Krupu čini ranjivom na prirodne i druge opasnosti, naročito u slučaju rizika sa katastrofalnim posljedicama.

S aspekta javne sigurnosti tokom 2022. godine **sigurnosno stanje** Unsko-sanskog kantona ali i Grada Bosanske Krupe može biti okarakterizirano povećanjem broja evidentiranih krivičnih djela, a smanjenjem broja prekršaja iz oblasti javnog reda i mira i povećanje broja saobraćajnih nezgoda. Važno je istaći da je u toku 2022. godine broj krivičnih djela na 1000 stanovnika u kantonu iznosio 5,3, a broj prekršaja na 1000 stanovnika je bio 19,91³. Unsko-sanski kanton, a samim time i područje Grada Bosanska Krupa i dalje predstavlja najoptimalniju migrantsku rutu te je dinamika pristizanja osoba u pokretu i dalje prisutna, u nešto manjem obimu.

Grad Bosanska Krupa, putem odgovornog prostornog planiranja, s ciljem dinamičnog razvoja i ubrzane, ali održive urbanizacije, treba da prati sva savremena načela i standarde zaštite okoliša.

Kao što je već prepoznato u usvojenim strateško - provedbenim aktima i dokumentima (planovi održivog upravljanja okolišem), u saradnji sa građanima i poslovnom zajednicom, Grad Bosanska Krupa treba da ulaže i gradi prateću komunalnu i poslovnu infrastrukturu, tako da ona podržava dugoročne potrebe zajednice i minimizira uticaj na okoliš, što također uključuje i efikasno korištenje obnovljivih izvora energije, odnosno primjenu energetske efikasnosti u sistemima javnih usluga. Posebno je važno pronalaženje održivog rješenja za

³ Informacija o stanju sigurnosti na području USK za 2022. godinu

upravljanje otpadom i posljedičnog smanjenja negativnih uticaja zagađenja na vodu, zrak, tlo, prirodu, zaštićena područja, a time i na zdravlje ljudi.

3. Strateški pravci razvoja

Strategija razvoja Unsko-sanskog kantona za period 2021.-2027. godina usvojena je na 17. redovnoj sjednici Skupštine Unsko-sanskog kantona dana 19.05.2021. godine („Službeni glasnik broj: 35/21). Prateći razvojne trendove i uzimajući u obzir mogućnost usvajanja strateškog dokumenta viših nivoa vlasti (u skladu sa Uredbom), Gradsko vijeće Grada Bosanska Krupa je na sjednici održanoj 29.04.2022. godine donijelo Odluku o usvajanju Strategije lokalnog razvoja Grada Bosanska Krupa za period 2021 - 2027. u okviru koje je u članu 1. navedeno da se Strategija razvoja Unsko-sanskog kantona za period 2021. - 2027. usvaja kao strateški okvir razvoja Grada Bosanska Krupa do 2027. godine. Gradsko vijeće Grada Bosanska Krupa je ovom Odlukom definisalo i uskladilo razvojne pravce i prioritete razvoja Grada Bosanska Krupa sa razvojnim pravcima i prioritetima Unsko-sanskog kantona, a samim time i sa ključnim nacionalnim i međunarodnim razvojnim dokumentima i ciljevima održivog razvoja. Kroz privredni razvoj zasnovan na znanju i održivom korištenju prirodnih resursa, razvoj inkluzivnog i prosperitetnog društvenog sektora te održivu zaštitu okoliša i prirode kroz promociju i podsticanje održivog korištenja resursa, grad Bosanska Krupa i Unsko-sanski kanton teže ka ostvarenju vizije razvoja sa kojom će postati Euro regija – smaragd Bosne i Hercegovine, područje ugodnog života temeljenog na ravnomjernom održivom razvoju. Iz navedenih strateških pravaca razvoja kao i vizije razvoja definisana su tri strateška cilja do 2027. godine:

Strateški cilj 1. Izgrađeni privredni kapaciteti uz održivo korištenje prirodnih resursa;

Strateški cilj 2. Unapređen razvoj inkluzivnog i prosperitetnog društvenog sektora;

Strateški cilj 3. Održivo upravljanje okolišem, prirodnim i infrastrukturnim resursima.

Stepen realizacije definisanih strateških ciljeva, usklađenih sa BiH okvirom za implementaciju ciljeva održivog razvoja, će se mjeriti kroz set indikatora uticaja definisanih Strategijom razvoja Unsko-sanskog kantona do 2027. godine koji obuhvataju ekonomski razvoj, društveni razvoj te zaštitu okoliša. Stepem razvoja Grada Bosanska Krupa i Unsko-sanskog kantona u periodu od 2021.-2027. godine će se mjeriti kroz slijedeće indikatore:

#	Strateški cilj	Indikatori uticaja	Polazna vrijednost (2019)	Vrijednost (2021)	Ciljna vrijednost (2027)
1.	Izgrađeni privredni kapaciteti uz održivo korištenje prirodnih resursa.	Vrijednost izvoza	386 mil KM	367 mil KM	545 mil KM
		Prosječna mjesečna neto plata u prerađivačkoj industriji	705 KM	729 KM	800 KM
		Prosječna mjesečna neto plata u ugostiteljstvu i hotelijerstvu	521 KM		800 KM

2.	Unapređen razvoj inkluzivnog i prosperitetnog društvenog sektora.	Stopa neto migracija ⁴	-2,8	-3,5	-2,7
		Grupa razvijenosti kantona na nivou FBiH	III	III	III
3.	Održivo upravljanje okolišem, prirodnim i infrastrukturnim resursima	Udio komunalnog otpada koji se odlaže na sanitarne deponije, %	0	0	0
		% građana spojen na kanalizacionu mrežu ⁵	30,80 %	31%	31,38%
		Broj važećih Prostornih planova JLS	3	3	3

Definisani strateški ciljevi Grada Bosanska Krupa (ujedno i USK-a) su direktno usklađeni sa ciljevima održivog razvoja u BiH i proizilaze iz nekoliko ključnih strateških dokumenata sa viših nivoa vlasti u Bosni i Hercegovini što je detaljno i obrazloženo u dokumentu Strategije razvoja Unsko-sanskog kantona za period 2021.-2027.

Kako bi se osigurao visok stepen realizacije zacrtanih strateških ciljeva Unsko-sanskog kantona i Grada Bosanska Krupa, definisan je i set **strateških prioriteta** do 2027. godine, koji pokrivaju sve oblasti od strateškog značaja za razvoj Kantona i Grada. Prioriteti predstavljaju ključna polja i smjerove djelovanja za ostvarenje vizije i strateških ciljeva i kao takvi imaju najveći uticaj na razvoj, odnosno ostvarenje strateških indikatora.

#	Strateški cilj	Prioriteti	Indikatori	2019.	2021.	2027.
1.	Izgrađeni privredni kapaciteti uz održivo korištenje prirodnih resursa	1.1. Uspostavljanje sistema za održivo korištenje i odgovorno upravljanje prirodnim resursima	Udio poljoprivrednog zemljišta USK koje se produktivno koristi, izraženo u ha	37.697,10	32.798	50.000,00
			Ostvareni prihodi od koncesija od eksploatacije rudnih nalazišta, izraženo u KM	616.000,00 KM	-	-
			Drva sirovina (krupno drvo iz privatnih i javnih šuma) posječeno u USK, izraženo u m ³	394.521,00	354.951,53	661.000,00
			Broj novoosnovanih privrednih subjekata	187	632	220
		1.2. Unapređenje poslovnog okruženja	Broj aktivnih poslovnih zona u USK	10	11	14
		1.3. Unapređenje konkurentnosti prerađivačke industrije	Broj registrovanih preduzeća u USK	1925	1992	2100
			Godišnja vrijednost izvoza preduzeća iz USK	386 mil KM	546 mil KM	500 mil KM
			Prosječna mjesečna neto plata u prerađivačkoj industriji USK	705 KM	800 KM	1000 KM
		1.4. Promocija održivog turizma i efektiviranje	Broj turističkih dolazaka/broj noćenja	64,416 / 101,210	45.283 / 76.398	95,000 / 150,000

⁴ Indikator koji je naveden u Strategiji razvoja USK 2021.-2027. kod Strateškog cilja br. 2. pod nazivom "Stepen migracija stanovništva" nije bilo moguće pratiti te se isti preimenovao u "Stopa neto migracije". – Izvor: Federalni zavod za statistiku "Demografska statistika"

⁵ Indikator koji je naveden u Strategiji razvoja USK 2021.-2027. kod Strateškog cilja br. 3. pod nazivom "Postotak građana spojen na kanalizacijsku mrežu" će se na prijedlog nosioca mjere - Ministarstva građenja, prostornog uređenja i zaštite okoliša USK pratiti na način da će se u obzir uzimati „stepen pokrivenosti kanalizacionom mrežom“ koji se prikuplja od strane kantonalnih JLS i na osnovu dobijenih podataka stvara zbirni podatak, kako je i sada učinjeno.

		<i>turističkih potencijala</i>	Ukupan prihod od turizma, izraženo u KM	-	49.25.042,28 KM	73.390.846,55 KM
			Broj zaposlenih u turizmu	-	-	-
2.	Unapređen razvoj inkluzivnog i prosperitetnog društvenog sektora	2.1. Usklađivanje sistema obrazovanja u skladu sa EU praksama	Broj djece uključene u programe predškolskog odgoja i obrazovanja	-	- 1138	Nije definirano
			Broj odgojnoobrazovnih ustanova (osnovne i srednje škole) u kantonu	72	72	50
			Broj učenika na 1000 stanovnika srednje obrazovanje	30	28	40
			Broj učenika na 1000 stanovnika osnovno obrazovanje	72	68	90
		2.2. Jačanje socijalne inkluzije i pristupa zasnovanih na potrebama korisnika	Broj korisnika po 1 stručnom zaposlenom u socijalnom radu	59	58	66
			Prirodni prirastaj	-2,2	-5,3	1
		2.3. Unapređenje sistema integriranih zdravstvenih usluga	Broj građana na 1 ljekara	757	718	500
			Broj građana na 1 stomatologa	6534	7142	4000
			Stopa mortaliteta	8,7	10,6	6
		2.4. Povećanje stepena javne sigurnosti i održivo upravljanje rizicima od prirodnih i drugih nesreća	Broj aktera zaštite i spašavanja Unsko-sanskog kantona uvezanih u sistem radio veze	0	9	Nije definirano
			% krivičnih djela na 1000 stanovnika	6,20%	4,70%	5%
			Broj prekršaja na 1000 stanovnika	13,40%	14,80%	10%
3.	Održivo upravljanje okolišem, prirodnim i infrastrukturnim resursima	3.1. Podrška primjeni integralnog sistema upravljanja okolišem i prostorom u upravljanju prirodnim resursima	Postotak implementacije godišnjih akcionih planova upravljanja i zaštite za zaštićena područja i druge ugrožene dijelove biološke raznolikosti	0%	0%	80%
			Ukupno suspendovane materije na nelegalnim deponijama	10,935 kg/god	-	0
			Postotak prekoračenja graničnih vrijednosti koncentracija pojedinih zagađujućih materija	-	-	ispod 40 ug/m3
		3.2. Razvoj komunalne i javne infrastrukture na principima održivog okolišnog razvoja	Stepen pokrivenosti USK prostornoplanskom dokumentacijom	45%	50%	100%
			Postotak gubitka vode u vodoopskrbnom sistemu USK	51,50%	53,60%	20%

4. Strateški projekti i mjere

Strategijom razvoja Unsko-sanskog kantona za period od 2021.-2027. godine, Vlada Unsko-sanskog kantona se opredijelila za nekoliko strateških projekata čija realizacija bi trebala da osigura najšire pozitivne društveno-ekonomske efekte koji će doprinijeti razvoju ekonomskog i društvenog razvoja kao i zaštite okoliša:

1. Usklađivanje zemljišnih knjiga sa katastarskim stanjem i stanjem na terenu;
2. Uspostavljanje poslovnog inkubatora;
3. Rekonstrukcija i povećanje smještajnih kapaciteta kao i boljeg korištenja prirodnih resursa
5. Lječilište Gata;
4. Izgradnja Administrativnog centra USK;
5. Uspostavljanje robnih rezervi USK.

Međutim, Grad Bosanska Krupa nije definisana kao nosilac implementacije niti jednog prethodno definisanog strateškog projekta, te će se Grad u narednom trogodišnjem

periodu fokusirati na realizaciju strateških aktivnosti koje se odnose na razvoj ekonomskog sektora, društvenog sektora i zaštitu okoliša. Iako je Strategijom razvoja Unsko-sanskog kantona za period 2021-2027. ukupno definisano 33 mjere, a zbog ograničenih zakonodavnih nadležnosti i specifičnih razvojnih pravaca lokalne zajednice, aktivnosti koje će provoditi Uprava Grada Bosanska Krupa biti će implementirane u okviru sljedećih **20** mjera:

U oblasti **ekonomskog razvoja** će se aktivno raditi na implementaciji:

Mjera 1.1.1. Unapređenje kapaciteta za održivo korištenje poljoprivrednog zemljišta i povezivanje s prerađivačkim kapacitetima.

Mjera 1.2.1. Podrška razvoju preduzetništva.

Mjera 1.2.2. Unapređenje poslovne infrastrukture i promocija poslovnih zona.

Mjera 1.2.3. Unapređenje tehničkih i kadrovskih resursa pružalaca poslovnih usluga.

Mjera 1.2.4. Poboljšanje kvaliteta ljudskih resursa i uspostavljanje dinamičnog tržišta rada usklađenog s potrebama privrede.

Mjera 1.4.2. Promocija i privlačenje investicija u ciljne turističke oblasti u sektoru turizma.

U oblasti **društvenog razvoja** će se aktivno raditi na implementaciji:

Mjera 2.1.1. Modernizacija programa obrazovnih institucija u skladu sa modernim EU praksama

Mjera 2.1.2. Racionalizacija mreže škola kroz optimizaciju, rekonstrukciju i proširenje kapaciteta postojećih obrazovnih objekata i modernizacija školskih prostorija

Mjera 2.1.3. Proširenje kapaciteta postojećih objekata za odgoj, obrazovanje te razvoj sporta i kulture

Mjera 2.2.1. Podrška jačanju socijalno-društvenih programa, socijalnog rada i pronatalitetnih mjera i politika

Mjera 2.2.2. Jačanje saradnje javnog i nevladinog sektora u pružanju direktnih usluga djeci i porodicama

Mjera 2.2.3. Jačanje mobilnosti, interkulturalizma i građanskog aktivizma mladih

Mjera 2.4.1. Dekontaminacija površine USK od MES i NUS

Mjera 2.4.2. Uspostava sistema prevencije i ranog upozoravanja od prirodnih i sigurnosnih rizika

U oblasti **razvoja infrastrukture i zaštite okoliša** će se aktivno raditi na implementaciji:

Mjera 3.1.1. Komponenta podrška zaštite prirodnog nasljeđa i biodiverziteta, tla, šuma, izvorišta i voda, biljnih i životinjskih vrsta u lokalnim zajednicama

Mjera 3.1.2. Uspostava održivog sistema upravljanja otpadom u skladu s ključnim EU načelima

Mjera 3.1.3. Poticanje korištenja obnovljivih izvora energije (vjetar, biomasa, sunčeva energija) i mjera energetske efikasnosti

Mjera 3.2.1. Podrška donošenju prostorno-planskih dokumenata na nivou jedinica lokalnih samouprava i upravljanje prostorom

Mjera 3.2.2. Proširenje i modernizacija kapaciteta javne i komunalne infrastrukture i objekata

Mjera 3.2.3. Jačanje transportnih i saobraćajnih kapaciteta i povezanosti sa državnim i međudržavnim centrima

U skladu sa Uredbom, a prilikom izrade Trogodišnjeg plana rada organa uprave Grada Bosanska Krupa za period 2025-2027. godina, prethodno navedene mjere će suštinski predstavljati obavezne programe definisane u okviru Glavnog programa Trogodišnjeg plana rada.

6. Indikativni finansijski okvir (ovaj dio uraditi na osnovu podataka iz Akcionog plana)

Realizacija planiranih prioriteta i mjera za period od 2025.-2027. godine će se finasirati kombinacijom budžetskih sredstava Grada Bosanska Krupa, Vlade Unsko-sanskog kantona, kao i sredstvima viših nivoa vlasti te vanbudžetskim i donatorskim sredstvima.

Akcionim planom za realizaciju mjera iz Strategije razvoja Unsko-sanskog kantona za period 2025.-2027. godina obuhvaćene su aktivnosti koje su predviđene Strategijom te dodatne aktivnosti koje nisu inicijalno predviđene Strategijom ali su od ključnog strateškog značaja za razvoj Grada. Za implementaciju prethodno navedenih aktivnosti u naredne tri godine (2025-2027. g.) predviđena su sredstva u ukupnom iznosu od **28.725.500 KM**, od čega je **10.961.500 KM** planirano budžetskih sredstava, **4.610.000 KM** kreditnih sredstava i **13.154.000 KM** iz sredstava vanjskih izvora, koji primarno obuhvataju sredstva domaćih i međunarodnih donatora, ostala budžetska sredstva drugih nivoa vlasti te druge vanjske izvore.

Vrijednost finansijskih sredstava predviđenih za realizaciju aktivnosti Akcionog plana Grada Bosanska Krupa za period 2025-2027. godine, raspoređenih prema strateškim ciljevima je sljedeći:

Br. S.C.	Naziv strateškog cilja	Iznos sredstava 2025-2027.	Udio u %	Iznos sredstava za 2025.
1.	<i>Izgrađeni privredni kapaciteti uz održivo korištenje prirodnih resursa</i>	4.905.000 KM	17,08	1.428.000 KM
2.	<i>Unapređen razvoj inkluzivnog i prosperitetnog društvenog</i>	4.867.500 KM	16,95	1.612.500 KM
3.	<i>Održivo upravljanje okolišem, prirodnim i infrastrukturnim resursima</i>	18.980.000 KM	66,07	7.190.000 KM
UKUPNO:		28.725.500 KM	100%	10.230.500 KM

Udio očekivanog financiranja po izvorima:


Br	Izvor finansiranja	Iznos	Udio u %
1.	Budžetska sredstva	10.961.500 KM	38,16%
2.	Kreditna sredstva	4.610.000 KM	16,05%

3.	Ostali vanjski izvori finansiranja	13.154.000 KM	45,79%
UKUPNO:		28.725.500 KM	100%

Proces monitoringa implementacije navedenih aktivnosti i izvještavanja o istim, obavljati će se u skladu sa Zakonom o razvojnom planiranju i upravljanju razvojem u Federaciji BiH, kao i Uredbom o trogodišnjem i godišnjem planiranju rada, monitoringu i izvještavanju u Federaciji BiH.

Prilog 1: Akcioni plan za period 2025.-2027. godina.

Broj: 10-04- 9095 /24
Bosanska Krupa, 27.11.2024.



GRADONAČELNIK
Armin Hantović